

煙霞萬古樓詩選

煙霞萬古樓詩選卷二

秀水 王曇 仲瞿

鐵雲娘丈題近人所注杜樊川全集詩二首云
第二篇爲阿曇作也寄自邗敬報一章

唐昌觀裏看花時承寄樊川集後詩小杜文章炊甑
裂司勳名字夢神癡曇初改名故用杜本傳夢中改名事才疑書記依
僧孺人借風流禮牧之五百注韓干注杜中郎蓋白
有微辭先生謂第一詩有訛讀注詩者之人故不錄寄

白松閣

泰山十八公黃山七十峯如何居士宅有此大夫松

招下神仙鶴捧來風雨龍花綱一片石疑是宋徽宗

石百孔洞達云
得之朱勔園中

昭明閣

倭國唐山寺

昭明太子觀音尊像由銅船歸中國蓋初爲日本唐山寺供奉也

昭明

文選樓潮音育王力

是像仿阿育王像造於蕭梁天監中乾隆中自東海入中國寄

奉於寧波之阿育王寺者逾年

佛法瓣香幽畫手勾龍爽其人仇十

洲

內子畫三十二應真

南朝四百寺聖火一燈留

琵琶館

蘇老登場屋

華亭俞秋圃爲吳下琵琶人之冠蓋蘇達子之高足也

琵琶有

中興而今賀懷智

蘇達子康熙中生人生長西域遍訪天方回部城郭諸國其聲始備

吳門得衣鉢者俞秋圃一人而已當日鄭中丞佛國門樓近庭花玉樹能玉樹庭花所謂陳隋調者秋圃傳之蘇老餘之私淑者無傳也不期天寶後猶有佛傳燈

鸚鵡廊

種滿清河舫詩廊七步尋鴛鴦樓子小鸚鵡畫堂深紅袖詩人面烏絲侍女心有時同看月鐘漏自沈沈開元寺無梁殿爲兩層閣較金陵製造尤勝明鄭貴妃功德也碑紀用錢二萬萬云

明知不用棟梁材幻出空空妙手來畢竟人間無柱石故教天匠造樓臺九龍鐘散千僧食一火陶成萬

竈開銅雀成塵金虎盡姜香閣瓦未全灰

燒成無數鴛鴦土費盡開元萬萬錢七女宮樓能住
佛九蓮娘子可生天漳河鄴瓦三臺冷魯國靈光一
殿煙三百年朝元氣盡貴妃功德尙年年

蝴蝶廳者鴛鴦樓之女內堂也西家姬侍以丈
室軒窗爲會眞之地管絃翰墨絲竹琴書錯雜
於此者三年矣紀一時之盛也

蝴蝶廳前玉畫叉鴛鴦樓下笑聲譁九華妃子分三
品七女天官合一家促席雲鬟方丈地倚欄紅袖一
廊花古無女史修書福孤負禁寒半臂紗內子有茉莉花香扇

紙輕烏絲紅湘幾閒生晚來半臂無人送冷殺修書宋子京之句

孫子瀟

原湘

以乙卯二名鄉舉復以乙丑二名

登禮榜中式

殿試二甲二名進士鐵雲姨丈

有臣無第三亦復無第一之作奇體也亦紀以

詩備詞林掌故

君何不頭魚宴第一書名楊素箭亦何不史萬歲手射行中第三鴈閣黎第一法身乃第二當日匆匆領鄉薦阿平第一子嵩又第二隨人踏上舍元殿乙乙復乙乙畢竟頭魚不好喫田文論功不及三孫宏決策不得一張說之乙天后改蘇軾之乙歐九抑韓康

不二君有二李廣無雙君戚戚時無鄂千秋蕭何空歎息臣無第三亦復無第一

寄歸佩珊夫人

懋儀

兼東奉長眞閣內史席道

華夫人并示內子

舊年滬瀆舟次以太夫人合刻詩集及手書所製長短諸調新詞見贈憶六七年前虞山孫子瀟書來謂長眞閣內史席道華夫人欲與內子相見虎邱而不果舊年虞山元日曇見道華於長眞閣下時內子在西湖卽欲爲兩夫人作虞山清曠圖而有所待今年元日

重繹兩夫人詩如雲璈仙奏因屬內子爲三
逸圖憶前歲法時帆祭酒寄三君咏詩以鐵
雲姨丈子瀟曇爲江左三君其事殊逸茲詩
所寄雖不足以紀形管之盛實爲三逸圖作
先唱也

鸚鵡樓頭一桁春青綾幃下當朝眞神仙墮落爲名
士見帝莊嚴失寡人麤品官銜加學博史載文學士
博士等官聰明菩薩變男身相逢紫府高閒處手版呼名一搢
紳

人號先生宋若華

若華在宮中稱
學士先生云

韋姑絳帳隔層紗

宣文兩部齊論語子婦同堂漢大家老子講樟嚴是母秀才巾幘面如花一門詞賦遷談在安得諸兄筆硯誇

海虞山下女相如同擅清華賦子虛紅粉闌圖前進士簪花元白兩尙書內家旗鼓龍門似逸少鬚眉弟子居難怪鍾嶸詩品少一朝能得幾班徐詩品謂漢數家而婦人居二謂班昭徐淑也僕謂近日閨彥又不翅數十家而佩珮道華無與爲此

全把書生玉局掀女媧天子勸臨軒上官玉尺詩才子及第金釵畫狀元南國大羅三鼎榜江東寒士文文園來生我亦男身換伏奏東皇萬萬言

西施怨於臨浦舟中作

臨浦乘月爲船娘寫怨而作名西興姐江舟
年嫂中有盛名所謂阿月者是遊也月赤如
鑑山醒欲笑美人說舊序以小篇

西施去月如磬西施來月如鏡船娘誤姓西施姓猶
見嫦娥半面妝誰見西施影露腳飛飛兔初孕捫心
重問西施病道是同年同月生曾把扁舟勝妾年輕
去聲妾命薄一面青天三面水儂與青天聽郎是船
兒妾如芍藥蘿山儂身定烏篷船去白篷來浣紗留
匹將儂聘郎歸來月如餽

兜子巖暴雨澍雨以詩紀事

山有石門土人謂猿公百姓者居此誤入者見眷屬往來洞房竈篋有女子倚繡牀者亦時攝人間好女入洞云但是山怪惡猿猱所不能攀其麓十里則古木虬結延袤皆紅土青疇設色所不能到也余初經是山有必有仙人家住此丹砂紅作地皮鋪之句亦徐凝拙語也改存一律以記遊景之最奇者云

處女白猿公園園一洞中霓裳奔月入雷斧駭人紅龍影青天熱鶗聲夕照烘鵠鷗伺人過驚落滿山風

昭德寺避雨題壁

空山此寺自何年玉帶畱門息一肩久雨難逢乾慧地入門喜拜淨居天碑仍棲簡頭陀寺僧亦楞嚴道行仙不有水田三百畝法華空證大牛邊

曉晴望連雲山色平洋十里喜見城郭

不是連雲竟連雨半月山行不曾住今朝雨歇雲要晴纔見連雲山似絮括州無地山欲譁十里始踏平洋砂一燈董源平遠景括蒼城影似蓮花

題松陽葉法善所刻李北海追魂碑後

力士之腕力可折名士之筆力莫奪死人之文人可

求生人之魂追豈得我讀萬卷書不受方士惑始疑
李少君傳有返魂術忽而葉道士亦弄此詭譎人有
魂則生魂去必不活如何生人魂如探囊取物葉父
名有道姓與郭泰別李邕與蔡邕意欲相髡鬚唐人
諛墓文邕也名姓熟謂是北海書可以榮貽厥君不
見索劖私摹鍾會書大令偷題右軍筆又不見佈鵠
濃書碧落碑千年奇字費氊搥天下愛求邕筆蹟將
軍遂有兩雲麾不如身到天衣寺親見邕書不必追

今會稽天衣寺有李邕所書二千字碑板字畫
元好重兩雲麾者不知此碑之畱傳空山也

登大鵠山道書元鵠第三十洞天也

不學仙人怕騎鶴騎牛怕墮馬怕惡乘雲不如乘舟
穩失勢一飛身必落仙亦不如人飛亦不如步我鶴
未騎心已怖匪牀不得臥匪席不得坐鶴到天中坐
臥無焉知不久久迎風翅掙破獮猴落井虛空墮不
但鶴不騎爲仙亦大苦東王我家太公西王我家祖
姥子晉方平王大父渺渺如子一晚生焉能日跨胎
禽階下舞琴高騎龍來麻姑跨虎走鳳皇是老仙家
雞麒麟是老仙家狗二語本古樂府鶴不能擊過鵬南九萬
程畢竟能飛落人後林屋洞深如衡華陽洞黑如囊
洞天兩所我遊來獄地泥犁腳皮痛余遊華陽林屋諸洞皆深黑如

漆古之所謂阿鼻
泥犁無間地獄也三十天神宮兜率盡茫茫任千年
元鶴飛來不須控

東甌王廟

衣帶東甌國山河異姓王功居黔布上跡異尉佗狂
圖項遵劉約鋤秦救越亡九江先帶礪百濮後冠裳
血祭無諸祀牲毛勾踐嘗廟猶畱赤火宮可接梅梁
魂氣南山固王葬浦山威聲洞浦長微臣感山鬼疏鑿
尙茫茫

橫山周公廟

神諱凱字公武生臨海郡之橫陽身八尺擊

劖能左右射司馬平吳隨陸機兄弟入雒知
晉室將亂辭不就時臨海水沸龍蛇陸居神
隨地形疏塞之水不徒神奮然將以身平之
援弓發矢大呼突潮入水四潰開裂見神乘
大白龍東去海門外聲如震霆者水遂平唐
宋以王爵祀元昇廟爲宮神之靈見宋濂橫
山廟碑

功名不欲同周處陸機葫蘆不足語以胡亂華公可
來以牛亂馬公不住橫陽山中龍來居左右射龍龍
掉雨公身入潮潮不降潮身直壁橫陽江公騎白龍

大於許擒龍之孫殺龍女族龍之血濺天柱從公入
潮潮千年不濕橫陽一尺土禹疏不到甌江來公之
功乎高大禹

第六句兩字與下叶

春草池聞四絃聲

中年哀樂一琵琶春草池邊好部鼈彈到蒼茫人不
見晚風吹冷白荷花

畱別觀樓兵備并奉警齋郡伯

江城風雅一條冰西射堂西得未曾康樂東山雙蠟
屐老坡南海一然燈

公家嶺南而才在三大家上

八州團練如公
在十道營田此郡能海氣未消兵氣息鴈山回首路

峻嶒

急裝三日侍桓公依舊輕裘拜下風射虎短衣隨李

廣

先日以短衣佩刀見大將軍侯

壯夫雕刻笑揚雄游山鞭馬三秋

好乞郡呼盧一擲同

時欲移病

昏夜黃金楊伯起贈言無

奈又匆匆

丹芳半嶺之上觀衆瀑懸流

五百諸天拜冕旒上方風雨下方流內中多少珠簾

在掛滿層城十二樓

淨名寺贈融道師時開止觀法堂問予以威儀

條例

煙水茫茫百二城
雲闌來叩老然鐙
諾那門戶能無恙
止觀家風得未曾
三絕煙霞千尺水
六時連漏一枝藤
淨名香積維摩飯
重仗天宮接引升

松門望海觀都督李

長庚

將軍水師大戰

鼈梁不架風不驕
紅雲浴日頽雲消
海船入口海魚賤
沙頭一市人如潮
忽傳黃牛白鴨七十二礁
煙燄起火星飛入鞋山
均不知是人是馬是海市
知是岳家將軍大舉追楊么
船艍船船看不出但見烏鵲一
陣急繕而招搖復有長蛇一字
島底出三周華不注兩道來相
麌旋鸕舞一天熱不知何船用火
何船

燒驟然青天化赤壁漸見兩軍四散獵獵飄長旛南
風漸緊舟漸大頓然松門以內疊疊堆銀濤將軍樓
船高於屋叭喇入槳如飛刀同時官船島船一百一
十有二隻一一如旋條中有一船大如城外七奇圖
所記高帆六七道快馬騰風跑哱哱聲近潮聲遙胡
牀一手紅旗招各以鈎車鑿互撐挽牢舟中之指血
可熬舟中之血櫓可漂流星火矢鴉焚巢長兵躍百
高者超短兵裸鬪刀者跳瓜稜小礮雲中驍旋風高
懸當者號郎機一震兜底拋環槍一千煙火高小船
鑿碎飄如瓢大船肉糜撞其腰桅高斗大摧折標連

環船艋舺其船惟有中軍一船麾如燧象燒不熱虎
彌大榴犀皮包虬鬚大杖三鼓鼙高樓獨纛紅帕綃
銀刀粉面靴者嬌三百黑雲飛鳴鶻將軍大怒呼叱
誰不衫不甲聲虎虓蛇矛丈八親手挑稷門投蓋身
蹴飄鍪弧不拔飛過艤搏人一個投雲霄老拳毒手
親打交張候貫肘膚不撓林雍蹙足走且趨中眉中
頰惟所遭忽然由於肩中稍束胸一傷呼乃譽是日
徒手親搏凡中肘足眉頰肩乳六傷而肩乳兩傷猶重
過舟忽船中出杯盤壺碗於是面受
磁傷俎壺一擲亦見左傳慶舍事迴身據轉琴聲
調鼓音不絕公伏弢餘皇三呼鬪者逃將軍乃命柁

徒手親搏凡中肘足眉頰肩乳六傷而肩乳兩傷猶重
過舟忽船中出杯盤壺碗於是面受
磁傷俎壺一擲亦見左傳慶舍事

樓戰士鳴鉦鏃

是日將軍猶整軍而退

將軍大旗風蕭蕭瘡兵

六十宵噭噭移舟寄泊蛟門蛟

寄泊蛟門不通軍間者數日瘡兵六十盡

死將軍之船朽且膠幕府不間公斗刁一書叅斬高

敷曹同時大府親犒郊呼醫血脫將軍袍捷書夜上

將軍勞明日將軍重出哨力追三日得一舠十門大

礮千金硝島船一散無鳥毛將軍之詩我所鈔將軍

之書我所豪

將軍題楊警齋太守種竹圖詩措意精深清新駿拔書如米南宮而姿媚過之

將軍之身十年一百戰將軍之勇軍中鵬將軍之忠

食先茅

題黃巖驛壁

壁上緣何事叅軍屋漏來鄱陽非小戲亞夫是奇才
李廣封侯不陳湯吏議該曾將翠翹傳一讀一徘徊

晚渡臨海浮橋

橫水萬人家城臨鴈字斜山容瞰埠塊影刺雲霞
鐵鎖浮梁固螺舟米市譁時有海米出洋者縣官沈舟於此筠輿趁
燈火好女半如花

自察嶺至淨土峯中經石砍側磴盤迴歷十數
茅蓬逢庵憩息記事

一茅蓬蓋一層房察嶺東西淨土傍瀑水簾搖丁字
影池花蓮散午時香松蟠羅漢蒲團冷鳥戀觀音念

佛長一路經聲人入定木魚銅磬又斜陽

午時蓮以
午時開餘

時令

雲霧春芽竹箬收

中有雲霧
茶以此名

七星鑪火定蠶畱人

紙帳三層轎敬客山菌一杓油伴夜銀獨馴似虎放
生紅鯉大於牛青精飯繆黃精裏不識臨安況九州

宿華頂禪林

一枕廣寒月溟濛下界煙人從離垢地身臥鬱藍天
佛火冷於水天星大若拳剛風搖海岳驚夢不成眠

石梁觀瀑

石梁之瀑奇在長龍湫之瀑奇在狂廬水之瀑我不

見惟有天台之瀑不奇其水奇石梁橫如一人脊曲
若一肱張魯班手度之不過十尺强力能擰開萬八
千丈之石壁放出千星萬宿火敦膾兒滾滾歸扶桑
土不見巨靈大掌劈開兩華勢下不見五丁腳迹鑿
地道流銀漿不過吾輩未生一斧一鑿之手筆乃能
千氣萬力相支撑天孫欲奪此橋去私喚羯磨天匠
七月七夜來偷量左量右丈不滿幾百寸謂此石梁
材小無用隨棄將我來看瀑布勇若赴敵場以爲幕
庭一躍可過穆冉水不須三刻三陌相綯商豈知口
闊一尺腳三寸孫臏兩股一戰而蠶僵江南軟病笑

倒十二郎萬年藤杖拄不起惟有芒鞚一輛燒獻還
大王張飛據霸橋孔子畏呂梁彭祖觀井尙須繩捆
索猴愁樓接頭到此愁肚腸旣不如王莽飛將着翅
飛過去又不遇鞭山走石立馬造橋秦始皇君不見
石頭城南朱雀桁紅橋板下呼禹航佛狸面揚子泥
馬泣錢塘且向趙州橋頭喫茶去曇花亭子乘風涼
瀑流一道熱如湯我不敢江東橋下呼老康

桃源會仙引

自清溪而度爲桃源劉阮遇仙之地繡壁雙
門巒巖夾峙淙淙澗響如鳴佩環者十里幽

深奧篠詰屈迷人行屏風間不見來去則當時之會仙石在焉予時也胡麻玉飯感天上之茫茫藥店飛龍知人間之易散彩雲未定勝地不常依古準今預愁明日使此中人先睹此詩或大藥有靈庶幾和我以文簫之古韻也

夭桃不死紅雨積埋淚千年化成碧仙家桃花三千年人家桃花風雨天如此桃花在何許曾向桃源會仙去一飯因緣真不真千古傷心別離處雲中雞犬風逐飈月老紅繩簫史簫人間兒女情濃處天上神

仙易寂寥當年當日來時路環佩聲聲不曾誤前度
姻緣前度人而今風雨而今如餐霞服石幾多年人
見桃花不見仙桃花未必千年笑火棗交梨亦可憐
風風雨雨入山中六甲靈飛初意通段安香臉陵華
面未見桃花面已紅密香雅道靈香好阿姊飛瓊趁
年少青鳥傳將阿母言玉女投壺一聲笑鹿皮翁子
笑蛩蛩還記阿環再拜時董雙成製仙音曲安法嬰
吟卻扇詩跳脫妝嚴萼綠華黃庭一卷腰如華那時
卽降羊權去可惜羊權未有家清娥中女雲林妹誤
解江皋交甫佩紫姑一夜上青天翠被空留鄂君袂

桃花鳴裏桃花仙計別桃花四五年一離一會傷心
處會罷重離怕不然一江來往桃花渡桃葉桃根舊
情誤劉綱有意伴樊英且把桃花種無數種得桃花
一兩年滄田桑變玉田煙千年一菓千年實便不成
仙也是仙君不見玉姜毛女瑤姬子地久天長武陵
裏但願千年武陵源裏飯桃花不願一夜桃花逐流
水

此詩紀定婚時事蓋屬子禱福伽藍也

離別巖訪雙女峯作

一鬟游戲一鬟靈踏過金橋一片平惆悵溪邊卿好
在別離巖下我關情凡間會合雙星是天上團圓一

月明何處桃花差似此種桃人亦可憐生

龍湫觀瀑

天上黃河落如電天墜長江急於箭二水皆從天上来直掛中原君不見無地與之流無山與之限一任憑空直下來中國條條兩流練龍湫四十里水性居然變自認天河一派流不走沙泥地皮面初落一千丈水作脩羅戰再下兩千尋微風與之扇落至中間未到潭大雪噴噴化爲霰自上望龍湫龍湫水成片自下望龍湫龍湫白於絹直從上下望龍湫龍湫不是水盡被雷聲磨爲麪玉女倒頭盆紅日空中眩轉

緣迴黃無定時五色青紅一時現或隨紅雲飛或化
青煙冒或如鳥毛墮或如猛火煽或飄飄而不下或
徘徊而中旋吹如塵來落如珠濺失勢一落注爲澗
天穿地破心驚肉顫耳聾三日予不能戀大沈久湫
以水注硯大地墨青天爲卷盡須彌之筆狀爲龍湫
之奇而不能徧上至常雲峯下至斤竹澗吾欲圖龍
湫之水源而有待明年之來屬

望天姥不至

十八精藍萬杵鐘三千沙界一扶筇分明未了雲英
事到此重尋天姥峯鄂渚有船塵路絕藍橋無夢舊

情濃昨來苦問羲皇去枕大明珠殺毒龍

經東關皋埠

行盡甌東十五城歸來還愛越山青縱無奇氣開生面實有溪光悅性靈往事已成前夜夢故交惟剩舊圖經蘭亭絃管柯亭竹搖過西州不忍聽

查橋寓館與姨母女牀山人話舊時鐵雲先生松郡未歸書來猶先生題封也

秋水人何遠梅花太愛孤手銘上皇鶴

郡齋鶴死先生瘞之心

麝季鷹鱸別意三秋葛詩情九月租登堂人不見膜

拜有倪迂

庭懸倪雲林小影

綿几高堂上紅顏一笑迎南樓花富貴

禾中錢太夫
人字南樓

西姥月聰明仉母賢人出觀音佛日生

太夫人以聯
年二月十九

大誕八十挑燈看細字針孔自穿成

同賈皋橋住艱難各一家娘來鶴市月照老馬塍花

雲山莊在杭之西馬塍云骨肉搏沙聚功名究竟茶牽船門外住

一夜一天涯

歸山莊內子於益間出示鴈山十八刹圖龍湫

鴈湖幅幅若親到者曰君吳門十八日我神遊

亦十八日也末附一詩有猶恐剎那之句爲之

神傷詩以慰之

尋山清興似登樓，覺得東甌勝九州。
霞客好游原是癖，維摩久病不須愁。
聰明技小天何忌，閨閣才多鬼不讐。
九十蘭英頭髮白，著書容有後千秋。

時注文文
選未竟

聘梅除夕示內子

湖墅梅花以皋亭爲最盛。先一年余種稚桃三千木。忽鄉老人年八十者以小除至叩門大言曰君種桃耶？桃十八年爾盍種梅？小壽亦五百歲以問雲門曰我意也。盍種之欣然往於皋亭間得百木皋亭之人云將爲君致千本作聘梅詩云

花鞦一扇花氣暢皋亭十里梅花瘴吳鹽聘虎金一
蹄十里美人笑相向明珠一斛綠珠秋胡見金花
躊躇黃金好買花無價說起林逋不會嫁冰下人傳
冰上言嫣然一笑寒帷下月老紅絲一百株一株一
錦一珠襦一聘九華帳梅花意惆悵再聘金錯刀梅
花珠步搖三聘清冷泉梅花小壽一千年四聘金玉
缸梅花淡淡月雙雙五聘雕文臺梅花沐浴來六聘
花千縞梅花盡手楊無咎七聘一笛曲暗香疏影雲
中宿八聘醇漿九聘詩梅花綃帳月遲遲聘罷梅花
花艷艷香魂自上移春艦一艦移春直到門金鐙華

燭滿門春居然不是梅花夢盡是濃妝點額人紅羅
亭子障銀紗錦洞天中夜欲譁占得馬塍西畔月明
朝妬殺萬桃花

九聘各句用羅
虬花九錫語

賸桃上元日示內子

正月十日內子命十橐駝種梅誌生日也予
復遣橐駝輩以天桃千本補未種地作賸桃
詩以勗之

梅花帳外花初孕九錫瑤姬一茶定聘得江妃盡姓
梅更教南內紅桃賸桃花紅作三歸臺梅妃侍女來
天台自說桃花身命薄年輕最怕風姨惡乞得金鈴

護不飛花開又恐東方朔崔娘礪面作華容十萬珠
幡不怕風一媵花一命花醫會治桃花病再媵八品
纔門中人面劉郎來三媵花三命承華顏色容華艷
四媵六品官瑤池宮殿廣寒寒五媵五命嬌花名一
客妖六媵媵花神天桃四品嬈好身七八雙雙媵紅
顏封得瓊侯命九媵入瑤臺一品夫人婢作來媵罷
桃花向花叫助嬌妃子簪花笑雙女峯頭感夙因會
仙石上可憐春從今一子千年熟長與胡麻作主人
武陵源裏不須譁好避人時且做家分得散花灘上

月年年紅雨護梅花

九媵詩句用張翊
花經九品九命詩

孫古雲襲伯辭爵南歸相見於西湖文靖祠堂
正好明光執戟時鍾絲膝疾易調治元成讓爵何其
早孫綽還山不覺遲處士梅花半湖水相公香火一
樓詩歸來不踐明湖約焉得騎驢載酒期

鶴市詩於虎邱之盈盈一水樓

鶴市諸詩爲已過繼妻會稽金氏秋紅作也
是樓也一簾紅雨當年觀競渡之人四兩胡
香今日哭西施之地龍船燈火蕭觀音五日
而生前內子釋香亦觀競渡於此閨閣文章吳赤烏六年
而盡嗟乎伯鸞避地內外何來老萊逃名婦

夫何去初吹吳市誤攜羸女之簫今日高柔
空築畎川之室過姜白石垂虹亭畔啼殺小
紅登張伯雨散花樓頭傷哉老子嗚呼孫子
荆今朝釋服伉儷淒然王摩詰從此寡居頭
顱如許有天首過王獻之之罪綠章無地營
齊元微之之錢百萬誰揮急淚和我以梁王
懺罪之經疇助緩聲哭汝以賈誼招魂之體
辭無條序但抒感傷言不一倫略贖今昔

新婚別後便無家嘗作新婦別圖後又作無家
別卷則子遂東海蓬萊時也從不
傷心戀若耶豈必死爲金鎖佛不該生葬玉鈎斜山

左右南宋之宮人斜也子初卜築愛我者咸勸無住身爲好女才名誤骨化飛龍藥力差幸是小紅先死了先是婢通筆墨者死至湖墅又葬一鬟弗然啼盡馬塍花

吹斷松陵一夜簫垂虹亭畔誤停橈

至杭道中作垂虹小景德勝壩

圖好名要造梅花墓扶病求看浙水潮豔我秋花吟

小字

自字秋紅余遂以種秋名堂

泥人紅葉造長橋

遶宅皆大章紅葉初至造

紅橋以通來往從君地老天荒去月窟歸魂何處招

巫山滄海哭前非一夢胥騰入會稽

婚越時揮香靈牀未撤

蠶

薄絲機王肅婦人新衣故竇元妻滿樓經咒三年跪

子遊學京師揮香祈祐於大士之神長齋經咒恩感成疾予歸數日復勸子竟學又三年膜拜當膝皆穿

六尺棺和一地泥 記得斷杼遊學日 倩娘魂重夜長

迷

嘗語人曰渠每一出予魂行千里見黃河大江及將化之日奴感異夢予乃自秣陵遁歸

桐棺咫尺寓滄浪

滄浪亭爲錢氏晚娘厝先一年沒於吳市西橋

慟殺嬌

兒哭佛堂一夢桃花深巷口

桃花巷在湧金門內錢以故家族譜來歸予時

年十九讀書會稽寶官以外大父命納爲貳室孫女也

銀濤白馬春三月

嘗先後隨予內外渡錢江皆桃花時候

鬼火青

燐第二房便是翶風三十後也應魂魄戀錢塘

杜默文章爲爾歸憤王墳上紙錢灰身從一渡烏江

後人是三年泣血回

亡人終父服三年

浙水波濤迎白馬虎

山環佩送紅梅

至蘇第一日於虎邱送梅各有絕句

至今回想新婚淚

多似吳門蠟燭堆

他生未卜此生休
遺下胥門月一樓
細女尙傳新髻樣
名姬還插舊搔頭
燈船妓館來時路
酒市花城昨日舟
惟有唐寅祠墓在
亡人嘗手抄唐寅全稿囑予
晚明府唐公補刻今祠墓遂

新桃花橋水不西流

香魂何處自安排
買得蘇臺不與埋

初買蘇臺山爲
全家葬地後歸

友人爲殯時
嘉慶三年也
會有響廊遺步屨
可能畱影葬弓鞋
詩情似海名何在
筆塚如山夢已乖
惟有橫塘雙燕子
飛來還認舊金釵

曾在冰天雪窖中
梅花元墓與君同
今生已付三更

夢故紙徒留一海風有香雪海圖別後歸雲千尺雪來時
香月半山紅曾泊舟皋亭之半山看梅數日十倍香海匆匆五六年間事
簫鼓樓船色色空

從此先君有敝廬閨門填土可憐渠身爲東國齊諧

志

時游

人隔南天越絕書渡海波濤詩信息還山鎧

火婢抄胥至今兩處蓬萊閣尚有丹青同寄予

越中蓬萊

閣圖尚存登州圖今在

常州趙味辛太守處

紅欄七十二公堂

閣有白松四顧日

一閣秋花六月

黃細寫建安談出處

畫建安七子圖凡四十五日而成

閒評女史論

文章

時集昭明閣女文選十卷將仿五臣注釋琵琶國手佳人面

華亭俞秋圃等

凡十一人上琵琶者擬以東偏院爲琵琶館
鐵雲先生有國手琵琶國色聽之句

鸚鵡家禽

侍史牀

得紅鸚鵡於石牀元家

十六院姬圍滿座清河舫子自

風涼

毫金髮翠寫姪娥不寫雲臺馬伏波每愛倭夷東紙

好

東園以柳絮箋易畫

最嫌蕭賁扇頭多

七人有山人不是齊蕭賁日與閒人畫扇頭之句蓋本南史故事也

思傳妹子楊娃筆畱中宣和進士科不

道瓦棺三日裏金錢無福畫維摩

誰把金經小字臨經壇膜拜最傷心扶筇尙愛花能
好強笑明知病已深賺我忘情遊鴈宕爲人力疾畫

觀音

山莊僅一畫觀音者筆墨遂撤

平生最喜探奇僻不爲山妻早

一尋

飄然一去不嫌渠奈此蕭綱萬卷書班史無心誠子
婦擬爲媳華作遺稿
注著不果成而沒西施有女嫁專諸寄女韓年自
吳門事諸巷距
沒日半月耳越中來嫁於
羨留邱嫂情難報死負中郎命不如
記得蔡邕憐愛日不堪回首代噦噦子與梅園舅忘
年舊友死以女
託

畎川此築事何癡天路茫茫不可思既死已同花落
去再來除遇佛生時家如一會靈山散身似諸天劫
滿宜只恨平生潦倒事連他亡魄未全知

讀錢穀庵庶常自書華陔吟館詩集時散館改

職穀庵不赴選部

不見斜川集居然敬業堂司空廿四品大令十三行
紅豆懷蒙叟梅花夢魏塘一編珍重讀語語是初唐
歸山莊檢內子奩笥遺物得先後所藏家書一百餘件皆十二三年間別離會合者

歸來重感舊經奩淚捧經奩出一函婢問久無樊再
拜家書猶剩衛和南遺牋棄紙人爭取剩粉殘丹我
不堪幸是梵天容葬處幾梳螺髻尙鬟鬟遺語平日隨髮與侍女

女後朱爲髢今猶膏澤云

奉呈康茂園中丞時以視河左遷太僕

禹王臺下拜春風，經國精神望潞公。
康海才名三葉出

令孫時

熙朝文字一燈紅，家承南史身難退

南史

康綯

舉京兆淮爲公家得姓之始。太僕初以河帥中丞視河數載歲歲安瀾。今淮河潰壞，讀史者以爲非公不能底定。

手障黃河筆有功

著治河書累數百萬言

岳瀆經成鬚未白

時公八十，著書還在講堂東。鬚髮猶黑。

下邳

名在英雄記，身從婦女謀。
可憐赤兔馬，猶有白門樓。
漢火三分歇，將軍一縛休。
元龍湖海在，泗水尙西流。

下邳

七子戰而霸，八千人死之。
不聞亞父塚，猶有憤王祠。

婁敬關中日新豐涕下時一般兒女意空與故鄉期

別法梧門庶子詩龕

龕生意冷於僧海子橋頭六月冰南國詩人薩都

刺辣中原儒雅斛斯徵金牌石鼓成均舊黃馴東宮

庶子能由祭酒左遷從自西涯提唱後祇將公當古然鐙

兗州城下是日爲疎雨叔父週忌

而今隨處是西州經得羊曇一哭休從此無人問東

海自登州移守備兵於此者來依舊有南樓三山海市居然散

一柱靈光又不留此是兗州刺史座僧珍牀在與誰

遊

淮浦防秋險工再決時屋居有水以詩別茂園

中丞并呈心如宮保

舟中陶峴不須猜屋裏張融岸怕開義士私心抱橋
柱貞姜流水上漸臺盤庚戀土難遷去汲黯求歸未
召來幸有水工徐伯在狂瀾得仗著書回

宮保時著有迴瀾紀

要書爲治法心法

姚秋農殿撰寓居休園修揚州郡志一手撰成
良史也

小宋新書蠟燭紅琵琶康海又匆匆百家事類淮南
子一手文成太史公閣部梅花新閨史平山燈火舊

春風當陽官紙尙書筆畱在揚州十日中
時已服闋爲十日畱

也

寓居東美巷哭宋汝和兵備於金獅舊第

雨街花柳

在花街巷柳巷之間冷餳簫如此歸來太寂寥華表

人民今鶴市要離墳草舊皋橋身經腹痛纔三步巷
隔牛鳴只一條不信此生成底夢人間天上有今朝

鐵雲先生自金壇歸吳查橋相見喜紀一詩

歸舟只載國山碑七里山塘獨自迴下相城中人似
鴈禹王宮外水如雷承遍訪兩淮間三遷孟母精神健十上
蘇秦意氣灰多少長安新貴客綠袍穿上不能來

書陳雲伯太令碧城仙館未刻詩後

不許徐陵續玉臺春坊宮體出心裁孽鬪愛海三生
願筆補情天五色才樂府舊聞風散失女皇國史手
修來名姬列傳英雄記自有先生死不灰

本事詩成字字新強從劉向作功臣小戎女子多名
將作史班姬是婦人萬卷書通名媛傳一毫端現宰
官身國風好色離騷怨不及春秋記事真

記滿粧臺一剎那當今才子古姮娥大唐法曲霓裳
好小宋新書蠟淚多名士心肝輕嘔盡英雄歲月易
消磨可憐一管伶玄筆不攜都梁事女媧

閱京報知海氛肅清

蔡逆沈舟死

感懷總統李大將

軍

魚龍風定是耶非橫海傷心大將旅河上孫恩傳水化軍中張燕可冲飛林卿有首仇難報

林卿取首事見漢書何並傳

李廣無兒命已微彼是沙蟲我猿鶴國殤誰祭鬼

誰歸

再題李墨莊駕部冊使琉球南臺祖帳圖

三百銀刀水陣開先生海外載詩來中年楊僕樓船在

圖中畫樓甚大

出使張騫牛斗迴圓嶠一遊臣朔老方

言兩卷子雲才

作琉球方言兩卷

披圖不信風波險橫海功

名志莫灰

鐵雲先生於宣武坊南鑑火之暇作相如文君
伶元通德諸齣商聲楚調樂府中之肴蒸俎豆
匪元明科譚家所可跂及也太倉畢子筠孝廉
華珍按南北宮而譜之梁園眾子弟粉墨而搬
演之亦一時佳話紀以詩

政和之年詩系絕以詩目爲元祐術伯通丞相作律
書士習詩者杖一百宋政和之末士大夫皆不許爲
詩於時何丞相伯通修律令因
爲科云士庶等有習詩者杖一百見避暑錄話妙哉元人變詞曲四十萬人
執絲竹吳競纔悲樂府亡高明又抱琵琶哭而今詩

人無有詩先生詩好人人知忽然一部中州譜譜出

宣嬢一笛奇彈曲人多造曲難

隋書音樂志讀書多則能譜書彈曲多則能造

曲 嫦娥宮裏少人彈借君一柄吳剛斧妝點參軍

入廣寒

先有吳剛修月一酌

文園綠綺文君抱通德知書馬遷

好元帝吹簫度曲時相如渴死伶元老王孫畢竟愛

才名博士披香太薄情但得薦才楊得意不愁睡面

淖方成豪竹哀絲一鐙醉三條花燭闌干淚彈到楊

花枕上來荒雞容得劉琨睡

又有聞雞起舞劇

七調宮商子

細看皮絃擣得段師歡蘭亭摹出金奴本傳與聰明

畢士安逍遙樓上霓裳字流落龜年賀襄智唐朝天

子愛新聲未必相公知曲子董解元湯若士潦倒旗亭乃如是

趙蘆洲太守

遵律

以播州乞假再赴選部壬申

五月以今太僕莫青友工侍介交讀其所撰播州志及忠州國殤弔卹詩因紀其會合云

一卷蠻書老夜郎桃花紅得播州忙要知舊日元都觀

選例當仍補播州原缺故舉禹錫兩咏桃花故事

還似當年陸氏莊

先刺忠州

九辯辭華沅水在八哀人事杜陵狂巴西烽火黔西

月踏破麻鞋又虎坊

時居虎坊橋

頭白梅花水部交騎驢京兆與推敲

集中多與工侍唱和之作工侍

曾官京兆

八州有節畱高適

工侍五十爲詩時星命家謂當受使節故用蓮夫節

度西川事

五十無官老孟郊銅柱驕蠻望新息烏蒙羸馬

州太守所作飛雲洞圖於宋于庭孝廉

美蒲捐貞元朝士無多輩一洞飛雲信手抄

舊年得見王永

寓齋于庭集飛雲洞名人題咏數十

過月玲瓏館題佛雲女弟所書楞嚴小品

飄若浮雲矯若龍度江筆法與君同大家文字畱兄

史小妹琴書當女工一屋春光花芍藥

齋中芍藥瓶花圍繞佛座

半簾人影月玲瓏分明一所楠檀閣難得慈悲共此

中

館中奉大士凡金
銅像十餘軀

題華吉厓司馬所圖佛雲小影時吉厓年七十

有四矣

鬢髮貂蟬女侍中丹青無計狀驚鴻能傳南海觀音
面齊中畫觀音其近日所作毫金絲髮尙能工細難寫張元阿妹風索想殊
非神女賦圖形誰到廣寒宮裝成一紙依稀似行過
空庭絕不同

答佛雲妹所和開字韻詩帖

不避秋風儘自開亂紅吟遍一庭槐簪花古弼尙書
筆傳粉關圖進士才元白春風詩弟子丹青人面女
輿臺承君一首清新體撒手天花滿紙來

三月三日種花果一百六十八樹於發祥坊

賜第之東園索趙孝廉兩公子長君

榮少君林

同作

君不聞十年樹木百年樹人亦不聞百萬買宅千萬

買鄰我家尙書借宅三百年

借宅三百年事見南史

平泉花木

今依然當時王儉藏書處一部元徵四庫全五百萬
緝 賦時屋御府金錢未曾贖

御府金錢五百萬贖宅事見宋史

王

氏青箱雜記書趙氏明誠金石錄

西宅爲趙謙士侍郎典居

南北

阮一宅東西李兩門珊瑚幾公子天水兩王孫好德

若好色愛花如愛命或翻瓶史插瓶花或抱花經治

花病

季叔愛插瓶花而每歲多買秋花余每嫌其勞不耐久不若春樹之開花弄果也

春花

不紅不如草 秋花不香 紅耐老 春花年少笑 秋花還是春花比秋好 不耐秋花死 風雨畢竟春花百年樹
秋花如婢侍夫人 到底春爲百花主 門外長街是花
市 買到春殘花怕死 盡把花街挑過來 笑殺西鄰趙
公子 呼我郭橐駝 典我春衣裳 氣穿桑肚子

京師諺
云臭椿

樹封王氣穿桑肚
子笑殺懷青陽 殺去臭椿王以花作屋 花繞垣以

花守關 花當門 以花匝宅 花爲城 以花待月 花作亭
大花十人駝 小花四人抱 一家奴子種花忙 一屋鴉
鬟抱花笑看花 花何如花來 撰屋花當書 平生讀破
千千卷 不是花神不與居 獻花西方佛 散花九天女

濃笑問花神頃刻花如許種樹如種人種花花有鄰
今朝天水冰山錄來日烏衣巷裏春子昂子固爲爾
談我家花北君花南煩君兩管春秋筆記我今年三

月三

二十四風堂

余所居爲聽秋館以秋花名也春花種畢顏
曰二十四風者以在二十四福堂後也

二十四福福如許

二十四福字爲
是堂之後凡隙地爲種花所

裕陵御筆二
十四風春作主花神敕語語風神此是花神散花處

南方草木狀北地臘脂部北方花多怕風南方花

多花怕雨示我紅旗竿看我日月旆封家阿姨爾莫
干花神膽小花怕寒敕姨婢聽取阿姨低頭不得語
梅花風打棟花風不是靈風不須與雄風雌風一齊
去三十六宮春萬樹王母宮中第四女

七月一日海淀畱別周石芳姚秋農兩侍郎於
翰林花園并謝英煦齋尙書

絲竹春風兩侍郎 南書房接 尚書房春坊玉漏
寅階靜學士金蓮乙夜忙文字纔傳漁隱話江湖重
上野人航瀛洲路遠揚州近迴想三公政事堂

睢水河營奉熊介祉唐柘田兩觀察

樞庭詞客老蓬萊手障狂瀾此地來文字傳於魯王

殿詩情豪過少陵臺

兗沂兵備
駐劄兗州

黃河積石全牛力睢

水囊沙繫馬才公是龍門我魚鯉寸膠一塊未心灰

十三樓上酒花乾

癸丑同遊金陵寓
李松雲太守郡齋

廿四橋頭月滿

船

後兩訪邗江不值

才子文章前輩在詩人功德部民傳懸

河注水逢今日說項推袁意昔年

二十五年前導我見袁簡齋先生

彷彿鳳凰山下路鴛鴦碑小未曾鐫

汴梁城

砌成可是靖康磚

李忠定傳信錄云靖康之初忠定
守京城運蔡京家假山石疊門後

金人修汴城募人能致錢五十萬者遷一官亦發蔡京宅得二百萬錢見續通鑑綱目

想見熙

寧紹聖年行處似逢艮嶽石拾來還有御書錢畱人
泥馬康王廟匝地青苗宋殿煙風雨七陵何處是九
朝曾讀舊長編

花綱殘石

趙家天下朱家壞奴馬金銀兩條帶

朱勔以花綱擅寵著日金腰帶

銀腰帶趙家壞鞭山走石石不存愚公擔山山乃在我
天下朱家壞鞭山走石石不存愚公擔山山乃在我
亦云然石可愛無奈金軍礮車大花綱石打汴梁城
三樹桃花太師蔡童貫書船載畫來米芾紅袍不會
拜我不得見牛奇章到公好石華林砸亦不見一花
一石李贊皇何況子孫平泉莊但覺初平叱石石在

地忽然一起皆成羊曾踏蘇州仔細尋朱家園裏水
池深竝無一塊花綱石說是宣和畱到今花綱奇雅
事敗國宋徽欽韃尖踢倒東京看不及蘇州獅子林
重至揚州同人邀觀紅橋芍藥是夕燈火甚盛
夕陽西下水東流紅藥開時我泊舟星海亭臺今乞
院臺憲以下來就館食月宮絃管舊迷樓初來故老皆黃土年子
弱冠與金棕亭羅兩峯諸老蒼交纔見新人又白頭可有那時商婦
在諸開娘初嫁康山不堪重問杜娘秋

真州雨後題屠孟昭大令是程堂集刻

擎舟小住古城闌紗帽洲邊雨墊巾花縣幾年新令

尹玉堂前度舊仙人，掃空名下胡僧佑。
近人集刻最多無一二佳者故云
讀盡書來第五倫，十四卷中經濟在詩才。
真與吏才真。

穀人先生七十壽

不須提舉洞霄宮，笑傲平山六一翁。
石鼓金牌今祭酒，明堂璧水舊春風。
蹉跎門下同三品，瀟灑淮南老八公。
一座皋比千秩米，拍浮都滿此船中。

藏山事業九千篇。
放翁詩八十五卷凡九千二百首
住世神明五百

年兩宋詞人放翁壽六朝。
才語此山傳西湖文佛詩，
功德南嶽先生酒聖賢。
愛是謝安絲竹地，新城壇坫

舊城偏

天下蕭閑都散漢長安風雨老門生九蓮位上無名字十種仙中有性情往事眞靈徵慧業至今洛社待耆英分明柱史籤吶後又有先生齊老彭

小除日自揚州冒雨至於真州時將與裘守齋觀察同遊廬嶽訪友南昌藉覽江行之勝旣而不果

爆竹聲中雨似油揚州西去又真州歸雲已斷蠻王阜今歲雨至瓜步不渡流水重經太子溝記里夜迷仙掌路渡江船繫石人頭不堪往事新城壘二十年前紗帽洲

滕王亭子石頭風許我江神一滿篷少日才華今老
大中年詞賦舊名公鄉舉之日
綿交杭州身猶不仕爲羅隱交
盡忘年笑孔融北極榆關西劖閣不會遊盡大江東

東磊

僕泛海自碣石登萊窮沙門數十島登成山
之罘憩息琅邪遵海而南求所謂嵎夷陽谷
者不可得遷史始皇紀謂立石朐界爲秦東
門云朐界者今海州鎮山古朐縣也秦統天
下以朐山爲東門則有虞氏幅員最廣亦宜
以此山爲有虞東界而雲臺在海中周二百

里爲嵎夷無疑東磊面東爲谷四時旭日所
照奇峯怪壑異草仙花必羲和氏之所居古
暘谷也作東磊詩以記之

不知何處是嵎夷暘谷賓寅此處宜四壁風濤龍出
入一房山石鬼權奇春殘玉洞花開落門瞰扶桑路
險巇人隔仙凡事今古彈琴中有古鍾期

送金陵隱仙菴琴師張雪堂道士入東磊

四十名山老隱仙忽傳東海聘成連風瓢露笠琴三
疊月窟花房水一天虛壑夜吟青犬吠小樓人定白
龍眠遲君屢市樓臺裏牢坐天宮五百年

五羊湖在大海中兩山橫亘湖居其間渡湖逾嶺爲宿城山法起寺在焉枝峯蔓壑異草奇花既不是日之子河伯之外甥何以鼈鼈魚鼈擁我波中行亦不是阿羅漢神通僧騰雲駕霧空中能何以朝蒼梧暮宿城飛行渡海來見竺法深佛圖澄其山多名不可以盡登海有五羊湖山有法起寺山不知何年飛寺不知何代始十萬奇松山面四盤盤盤入招提寺寺如下天竺水如武夷曲八十一間布金屋絕似如來古雞足中條山裏王官谷忽入懸雷山忽見流觴曲所在皆金堂玉室瑤草琪花是日與許石華孝廉同宿

故用許
邁語

此地有崇山峻嶺茂林脩竹君不見楞伽山
鷗鵝國煙水華嚴百二城翻身直上磐陀石不脫凡
身也成佛

讀雲伯大令新寫頤道堂集將毀其碧城仙館
舊刻而重鐫者翻虛入渾三舍避之蓋真州遇
舒鐵雲丈時已知此集之光也

必傳兩字又何疑不遇桓譚不道奇五本自書長慶
在一編傳到谷渾宜前在京師遇廣公子云在冊府郎第得碧城館詩寶之詩

從而後人難倣紙向將來貴不支五百注韓千注杜
大家燒卻別填詞子與舒大皆擬以詞曲度老今舒沒而子也僅存

崇寧刻到政和年直與昭明宋版鑄孔子舊經三百首
謂碧城舊刻
謂碧城舊刻
謂碧城舊刻
放翁新樣九千篇翻空齊魯韓毛說
不許蘇黃李杜傳從此陳陳詩世界安排槌鑿另開天

如來結集待阿難劉向傳經馮道邢半世功名甘刻
楮百年心血苦雕肝文能壽世須三寫身是傳人只
一官多少古人皆不死一編原是古今丹

錄 仲

明星

詩

仲瞿詩錄卷一

徐渭仁輯

城南雨夜與鐵雲姨丈話舊

昨宵篝火聽鷄聲夢裏橫行見長卿吳下名儒無後輩
燕南才子是先生羊公譽鶴渾難舞平叔刪書敢便成喜與徐公謂朝玉孝廉同彥會半篇漁父坐三更

夫子聲華日下傳出門也是別離天婿鄉住後吳音熟母黨傳來阿士賢海內英雄餘子在南中骨肉幾人全西州賣斷羊毫路判取衷腸話兩年劍合雌雄暗自誇飛騰還讓渥洼驕文章不負二條

燭名姓爭添一榜花元度官銜新著作終軍容貌舊
年華天南回首南湖路一帖泥金祝到家

住穀城之明日謹以斗酒牛膏合琵琶三十二

弦侑祭於西楚霸王之墓

穀城山曉黛蒼蒼絃酌相逢拜憤王百戰三年空地利一身五體竟天亡明分天下資劉季誤讀兵書負項梁畱部瓠蘆全漢在英雄成敗太淒涼

秦人天下楚人弓枉把頭顱送馬童天命何曾私赤帝大王失計戀江東早摧函谷收圓藉何必鴻門殺沛公明縱咸陽三月火讓他妻敬說關中

黃土心香一掬塵英雄兒女我沾巾生能白版爲天
子死剩烏江一美人壁裏沙蠭新子弟烹來功狗舊
君臣戚姬脂粉虞姬血一樣君恩不庇身

奉和舒鐵雲姨丈見贈之作

神龜風雨殺豬婆送我南船抱白鼈下第書生留大
命公車舉子踏天河水官解厄城三版仙女療飢米
一螺畱得姜肱麤布被大牀已被惡龍拖

五色明珠一斛才大羅天榜又橫開紅紗古鬼魔宜
退老女當梁嫁也該名將七擒終得賊死胎三墮或
生孩金丹火字泥金紙逼得燈光響爆來

查橋寓館值鐵雲姨丈松郡未歸作詩見意是
日得奉先生二書猶先年題封也

琴尾

先生詞名

千金帚

時朋好有斂錢

鷄林價莫如兩家

長慶集

囊者宋汝

和觀察嘗及曇詩合刻爲

皋橋今兩集

四海故人書

璧

多黏

親朋筆札

繭紙三君老

法梧門學士嘗作

三君詠

謂先生與孫子瀟及曇也

紅鸚

一燈虛

謂所撰海紅蒲碧之圖

宛邱頭打屋喜近聖人居

在蘇

府學宮西北

白季憐叔

姪弟故從季舅

小峯先生讀書

姨兄愛孔融

次弟樓年

等身曇每與

月猶繩褓出

女弟圓華以八月十五夜月華生

十三讀書

談輒多駁難

幼弟長松

生時感松郡鶴

化後先時先生紀之

宅相鄰公在家風渭

水窮羊羶有餘淚淒惻舊齋宮

曩讀書外祖夏峯先生紹郡學舍時娘母

年才十二今忽
忽已三十年矣

感慨悲歌士風流儒雅師每承三體字必寄五言詩

是日得書一紙三體青鳥雲閒遠洪喬水上遲

舊冬承附書於鄭入員外節亭

至杭見訪不值而去一書重領取心與夜航期

右見解水齋集

海上雜詩

江北江南遊盡春茫茫一粟到迷津神魚擊水狂生事小鳥含沙細女身外海七奇曾有志撐天一柱竟無人當初誰賦三千字祇覺陳言不切眞

渤海

文山南望逆河瀆颺母風來不可聞聚議且無秦博

士伏波能有漢將軍中原地偏長城短海外天寬島路分一扇帆竿風八面古來防守最紛紜

文登山

欲全唐祚婦亡身一輩同流有四人功在八年名父子死能一怒定君臣書傳堯典渾難信戶副

入聲吳刀

羽山

雞城

必不眞豈有元魚人化獸中天冤案未曾申

長城一面飲朝噭又噭滄瀛關一闔中國果然秦萬世相公能免蔡東門祖龍文字眞奇僻牽犬功名太老昏欲取蒙恬新不律重書三字與招魂

秦東門李斯刻石

王朗欲除秦帝廟江南亦有始皇宮燒書恰是英雄伎血祭何年俎豆空一統能懲周失計長城足與禹

同功江東吳越閒至今有禹秦二皇廟讀三國王朗傳知合祀已久古來暴主聰明事也有微勞利後嗣之采山經

秦皇宮下

康公城畔露蒼蒼閒抱山經讀大荒齊有諸田同日盡楚留三戶勿能忘豈無淵藪逋逃地誰是扶南不死王寄語受降城外客古來鯤海有滄桑

時廣南多賊卽安

南黎氏之部屬也田橫寨

神仙富貴兩紛紛人莫聰明過十分老去英雄多諱死古來臣子半欺君毋寧好色汙青史且勿長生笑

白雲尙有望仙門子在蓬萊山是武皇墳

漢武帝望仙門

百萬邊儲庫鋌空漆城豈許寇來攻士無勝國盧忠

烈地有奇才戚總戎名將何曾能好死

謂胡

忠憲

婦人也

要在軍中翠翹畢竟奇男子到底收成有大功

備倭

蓬萊小縣有荒阡少保松楸少祀田官帑不過糜十

萬南兵只要將三千篝燈肅法中軍靜鼙鼓吟詩萬

馬眠莫笑輕裘勤著述老生紙上有多年

戚少
保墓

赤闌干外一回旋刻蹟心傷此十年好景可容含淚

笑人閒原有盡頭天

李斯書此三字于文登山

愁城兩所筐籠大

窮海三周榜橈圓聞道神仙笑凡骨可能凡骨換神

仙

蓬萊

無端兩目冒紅紗二十八天雲欲譁未必青天逢鬼

市安知海外沒人家如看好畫開心孔真住迷樓必
眼花豈是仙山身不到總嫌池館太繁華

蜃樓
海市

丹崖石壁畫難摹好幅橫長赤壁圖朱勔畱傳真良
嶽石崇敲剥古珊瑚補天材料精華在全蜀山川綺
本摹欲遣米顥來一拜洞天清品似渠無

丹崖
奇石

船又平平浪又恬城樓三鼓月初銜身疑列子風難

御水比西湖味少鹹從古無人遊赤壁中流有島是

嶧函

北宋守

備之地魚龍不阻狂奴興再有飄飄借半帆

泛海

玩月舟自彈窩出洋長

風乘

興亡抵長山諸島

小泊鼉磯不得眠紅光燒熱蔚藍天秦人避世桃源

裏伊尹乘船日月邊問俗已離頭痛國

先日患頭痛

登山

眞勝肉飛仙當時枉讀楞伽典直渡重洋始惘然

鼈礪

小泊自珍珠門放櫂中流觀日月並出

右見頤道堂集

解孝子行

解孝子入火抱棺身不死冒火而出風反火走火冷於水火之神矣可以災逆臣之脣而不燒解孝子明哉神哉曰城隍尊嗜血一紙爪髮代親臺駘可祟二豎不靈神乎神乎活孝子之父而不奪孝子之年呼神曰天二解黃泉之水入於母棺母棺不燥子淚不乾哭水生魚哭竹生竿吾歌孝子之德天慘而不歡

將進酒贈南屏小顛上人

濟公一生醉如鱉死作靈山去來佛濟公不生酒不清濟公不死佛不滅醒中三昧醉中春酒字南山大法門山前失卻瓢壺帝三十七代無兒孫顛師大演西來法酒竿打起門前刹三千魔女醉來呵五百僧人醒來喝一家衣鉢掛南屏提出千年老酒瓶旁邊署个醜醜字可似楞嚴十卷經酒爲功德水能澆煩惱薪阿難不吃酒呼作驢入羣目蓮不吃酒終古沙蟲一細民伽羅龍好兒女要湖要海杯中取香膠布

作大慈雲醕飲吹成法華雨只勸阿顛飲不勸阿顛
止文殊不出女兒定何況酩酊醉男子但恐岡明沒
眼老鬼瞎勘破機關笑人死人勸阿顛止阿顛口不
開一杯復一杯彌勒何時來打穿洞底盛糟具脫下
娘生當酒材東家吃酒西家醉如此針鋒少人對儂
是天官大酒人一甌送上龍華會

善才生二十五月矣計識得二百五十餘字示
以詩云

阿爺四歲識千字一一形書曉其義兒今三歲字二
百他日爲文定奇特人間識字天上喚阿爺自誤還

誤兒兒莫學阿爺知書娘道好至今餓死無人保夷
齊廟裡要香煙誰捧藜羹到門禱阿爺配食兩廡去
賴爾門庭來酒掃秦王燒書黑如炭豫讓吞之不當
飯魚鹽作相盜作將天下功名在屠販兒不聞倉頡
作字鬼神哭從此文人食無粟又不聞軒轅黃帝不
用一字丁風后力牧爲公卿

弄書行示善才

書不弄兒兒弄書愚公之子如公愚牢把一冊愛如
命撇得中庸便論孟睡來不放醒叫呼阿兒餓死前
生定人家一蠶生一蠶生到蟛蜞骨不改不然龍生

九子子子子別弄水噴雲性還在仲尼小小愛俎豆十年廟食尊彝侑子與生長託饗宮到今血食饗宮中但願吾兒讀書讀貫上下古不願吾兒一科一甲呼吾父

項王廟

立馬一呼千人號咸陽大火不足燒十八諸侯作臣子如何不舞鴻門刀陳平美奴張良女淮陰之小小兒乳功臣反面見君王吾亦傷心老亞父君王如玉妾如花君馬一走天下瓜赤蛇不死白蛇死妾骨空闕垓下沙兒女英雄兩不足水廟山煙吾來宿八千

子弟大風來父老江東到今哭

登翠微亭

江中日落衣帶圍西風吹人人不歸水禽薄薄水中落有翅不得空中飛拍手呼山山欲笑老馬銜枯向空叫君不見晨風兒布穀飛來化爲鶴朝遊武昌雲暮踏海西石滿山紅樹一江風萬里長空遮不得

獨秀峰歌

須彌之尻崑崙骨面目畢鬱性情偏穿山伏地四千年偶向南屏露髡鬚盤王運斧君向逋女媧大索天下無君藏君顯世不測神物肯與凡人奴天公命汝

龍蛇壑太白昏荒夜星落鵠鶴惡鳥避空山風雨一
聲鬼神作願君勿化雲化雲雲笑君洞庭小蘿女兒
子赤腳咤咤如有神君勿化爲雨化雨須隨雨師舞
不如兀兀坐巖阿月帽風裙好千古君不見秦王纜
石天下桀一朝斷化黃金佛百年香火何有無至今
頭帶共工血

對雨

男兒少不成名三十許日日浪浪聽山雨雨聲不住
人耳聾抬頭不見天上龍一蛟盤天受天語魚鼈蠹
鰐半空舞三十六鄉都是雲白日一照天下春河伯

外臣日之使何不捫天洗天水雲中妖蛟有時墮吾
亦登天見龍子

大雨揭禹廟空石題名紙溼不得上石

空山一聲泥滑滑兩腳渾泥雨中沒鬼神不許瞰山
文大隊雲師怒唐突女媧昇車補天漏禹廟中心天
有竇虛空水孔大於孟雷公一鳴小龍吼媧王好治
地上河功成不刻天河波秤槌石上人名姓洪水年

閒担水婆

碁盤山爲大風所倒

春衫碧碧風礪刀東塍西塍看紅桃燒香女兒顏色

嬌招我來看碁石高仰而望之山如尻笏立兩石中
火窯窯閒之僧老且妖嘲龍閣閣聲如潮似云正月
初四朝神風刮我庵頭茅又云天公大怪南斗北斗
不管事日來手譚坐隱山之椒金星招之不肯罷下
遣雷公撤取棋盤燒燒之不肯熱礮斧不敢敲雷公
奏帝此石乃是混屯未闢一大局下管十二萬陽九
百六一隻無可饒一局復一局雖有五星日月氣孕
羅計難通逃南斗輸一隻五湖如旋廳北斗輸一隻
三王四帝爭滌濛秦王漢武局中一隻劫昆明赤土
三層焦一隻不到處魚頭赤子湯火澆當今閻浮

天子彌勒下世萬萬歲日兄月姊親同胞老天不變
道不變此局破碎當掣銷天公聞言大歡喜傍邊玉
女投兩峴華山巨靈蜀山五丁渠是地力小界不
動道是六州之鐵生鑄牢風姨娘子貌如春花一十
八手弄風輪絳口宣玉皇旨腳踏南山腰三呼復三
吸百人輿一瓢三百六十子連瓜帶蒂抹入南塘坳
南斗罷去北斗走有如鴉翻雀亂歸雲霄唯有煌煌
北極寔是定盤心中第一子口傳二十八宿司宮司
度守定唐堯朝吾是爛柯山樵老士骨難換人未
死胸中一盤十七史粒粒覆棋手可指上山下山拾

死子

右見鵝藻山館詩話

虎邱山穸室誌

飛鳥之跡蟬脫之殼騰蛇之灰神龍之角名之於人亦猶是乎盡綿上爲介推田環會稽爲范蠡地身名不滅亦何藉乎一隴之松一棺之石置塚要離墓旁求葬西門豹側哉憂竹扇之不書文章之不立於是趙岐自爲壽藏王樵預卜蘭室顏清臣自作墓誌杜子夏臨終刻石繫可哀也墨字仲瞿一名良士吳郡由拳杉青人也私窺中秘空洛陽市肆之書學射十年盡寇恂淇園之竹年數歲祖瑩聖小之稱張堪神

童之目凡將急就元尚之篇八法六技史籀之錄然
糠穢滅漆斷鑿削竹棄豕亡羊忘羹竊肉滅油置燈藏
灰節燭墮馬據鞍穿牀升屋異書借鈔官書竊讀落
燼晨明警枕夜觸讀道邊之碑覆圍棋之局如是多
年而陸澄號爲書厨李善稱爲書籠旣而擎弓逐走
調天射飛學大黃於飛衛師參連於田基七百里平
秦之馬三十萬迷香之姬嫁女欲得以爲婿美人樂
得以爲妻登牆而窺宋玉金枕而薦陳思聲色絃歌
君蒨遊踐衣裳器服靈運奢侈而狂白三十萬之金
盡矣上會稽探禹穴登東山臨碣石經途三千行年

二十而時也

先王羣玉之山謁者獻書之路

麒麟天祿蘭臺石室之秘華林總明仁壽文林之富
靈威洞庭之藏委宛天承之蠹莫不準劉歆七略之
名在王儉蓮花之府

叔祖文莊奏開四庫 賜第發
祥坊凡官本遺書皆準總明王

儉故事予乃八年於次道春明之坊依溫公讀書之堂
聚卷爲樓積石爲倉晨披海錄夜寫巾箱居王導之
宅七年不出閨抄陽城之書六年不出房夫然後翶
翔金陵徘徊建業雨花臺城長干采石過河東而背
亡篋登凌煙而補壁闕李賀唾地任昉腕脫賦入圖
城詩叩銅鉢圖碁以四子一首靈運以百篇半日書

十吏而不辭作百兩而竟得杜秀才之五題武德殿
之二刻庶幾乎曹子桓之上馬橫槊下馬賦詩傳修
期之下馬露布上馬殺賊不過是矣出馳駿馬入羅
紅顏醉盡花柳賞窮江山李白之在揚州也愛止耶
壑性同鱗羽眷戀松雲輕迷人路宗測之不樂於仕
宦也姓不載登科記名不入翰林志青溪之樓十三
平山之橋廿四遜抗機雲聚巾書於鴛鴦之樓倚翠
偎紅掌教法於雙飛之寺居鷺峯蕭寺而往來信宿於隨園安閒寓閨之間

陳季常戎裝駿馬細女游山杜牧之紅粉狂言紫雲
乞侍時或司徒妓宴洛陽之名士皆來時或康海琵

琶姓董之牽頭畢至方將以金焦北固爲狂生之三
山虹橋新亭爲酒人之牀第而乃機絲蠶簿僅有故
妻竈突風吹忽焉喪耦婿陶謙者豈止甘公相陳平
者不徒許負約七姓以婚姻感一人爲箕帚晏公愛
女方見託于希文山谷詩文遂見選於師厚王子敬
山陰道上郗鑒東牀顧長康會稽山川嵇含女酒恃
以爲劉凝夫婦從此遊山高柔賢妻終焉鄉里而孰
知漢武帝元光初歲無端忽舉孝廉唐高祖武德三
年畢世不成進士也哉舉應奉帥才薦龐參宰相
器學則爲任彥昇五經笥博則爲李倉曹人物志或

重崔汎以巍科或擠李戡以下第或欲以固毅典竇
府文章或欲以令狐爲太原書記予方視諸石閒如
鷗鳥亦且望瀨上軍如兒戲以是韓琦及第五色雲
飛孟敏文名一蹶墮地馬拊便面車驅塵尾郭丹之
符未買終軍之繻已棄也夫郅惲恥以軍功取位崔
圓媿以執戟受職嘉慶元年獵賊橫行殺函險灘時
也問張郎之弓馬豈獨褚淵應勇士之詔書不徒師
德予亦謂班超筆硯安事丈夫呂蒙從軍且探虎穴
無如魏其客士軍門亦田竇之分翁歸全才文武亦
東西之別贈郡王福伯督和分統秦楚諸軍事乃歎荆恩馬士徒事彎

弓索靖詩書焉能廟食且朱雲之劍請上方少游之車乘下澤此杜少陵東下姑蘇南尋禹穴職有由歟田千秋之一言阮千里之三語頭痛讀陳琳芙蓉山召阮瑀居吳三年有遺我書者曰舍捷徑之仕途棄終南之佳處乃韋忠辭司空之聘義方觸宰相之怒乎予報曰晉有殷浩漢有樊英謝萬眩曜房琯虛名播流者許靖浮稱溢美者葛瞻令聲日者秦楚之事連營七百里特角十三城誤國一人沈田子還朝單馬段中兵賊竄渡滾河遂至蔓延四省予安能望塵而知馬步喚地而識軍情今日之一隻簾鈎且畱杜甫他日之兩杯

殘災誰救陰鏗吳中士大夫將爲九老之會

司寇蘭泉祀宮

詹辛楣錢大昕侍講夢樓文治雲崧觀察趙翼東浦方伯陳奉滋藹若觀察宋恩仁立崖司馬蔣業晉許穆堂隨園辛待工侍師歸也

值予買蔣氏山園築懷杜之閣崇香

山之祀祠石湖之堂移仰蘇之址聚吳下歌姬居東

南名士絲竹醉於洞庭燈船照於虎市高流朝客妓

酒分明惱亂司空蘇州刺史

聊城任太守嘵林葺治園林樓船燈火賓客飲食之費五年中凡數巨萬

方是時也志和自號煙波義之將以樂

死矣豈期銅山未塲方聽鐸而知風杯酒纔乾乃聞

雷而失箸都憲吳公賈餽座師和凝舉主詔書初

讀手戰桓溫司馬行軍忽薦韓愈笑孤延之敢戰霹

憲鬚燒嗤太初之視書雄雷破柱細君未嫁於烏孫
狂生幾死於黃祖幸而孫權席上眾救虞翻嚴武模
中不驚杜甫也歟遂乃陟琅琊泛登州遵黃腿上之
罘避楊球路上之刀中郎亡命受王彪漆匣之嚇臺
使箜篌冒巨浪犯陽侯循扶餘之故道臨薩摩之舊
洲漢武秦王之跡浮沮下瀨之舟颶母吹時魚龍出
沒賓賓出處蚌蛤翔浮斯時也視揚右相之冰山身
經苦海入張昌宗之海市親見蜃樓誠盧生之所不
到徐福之所未遊也已旣而陸贊衡文不收韓愈劉
幾程試又黜歐陽或以爲策是天人何用仲舒敢諫

或以爲文如枚馬豈容方朔俳優減食忘餐楊子雲

之愛士

楊靜庵詹事辛酉分校以予名不在榜闈中三日不飯號陶痛哭衛洗

馬之風流

壬戌閏中那東蘭洗馬以予名又不登榜出閏抱予大哭皆薦辭也

始以爲

鄭元逃生纔避馬融之禮樂忽不料服虔改姓又遭

崔烈之春秋狂不似乎孔融偏逢路粹才不同乎曹

操亦忌楊修然後知賈誼之見薦吳公盛恩可感翟

輔之力欺孫懿陰沮堪憂梁武帝所謂恨我詞人數

窮六百者乎昔富人齊十萬錢而不得附名於子雲

之法言豪士遺五百金而不能載姓于穆修之廟記

今則以不須由竇之文章爲不肯梯媒之遊戲宜其

龔寬劉白寫昭君爲醜人馬宿廳嚴屏劉蕡於落第
此芻狗之科名無害我畸人之文字也杜光庭萬言
不中再隱青城蔡中郎十有二年重居吳市於是奴
婢一船家山萬里張志和之浮家泛宅林君復之梅
妻鶴子居吳三年又有遺我書者曰妻宓妃而儼織
女何福能消學鮑宣而慕梁鴻君才大似子安能以
八百彭箋之壽寫三萬蜜香之紙也復棄臯橋舍春
杵問康成而借田向東山而乞墅擲果一車種桃萬
樹于杭之散花灘爲隱人也喟然而歎曰伊尹區田
之法不行於今二千年矣闢土藝粟盡地利之宜管

仲不如甯戚躬執耒耜開播琴之法孔明不如鄧艾
仲尼之體不勤后稷之功最大力畦畯手灌漑畝收
一鍾粟支二載將告之行省而無人謂獻之朝廷
而未暇呼亥章召許邁四十九盤之雁蕩遊身地中
萬八千丈之台山舉頭天外火種刀耕梯田水礎李
惺地力之書宗測遊山之帶方悟劉晏爲錢流纔笑
陳湯爲丐貸乃漆園之缶又鼓而少伯之舟又敗也
嗚呼閒氣鍾於婦人鍾情在於吾輩滄海巫山之句
何處招魂金釵沽酒之詩心傷舊配而予年四十有
四矣飛鳥夫妻盤龍父子再泊秦郵重遊燕市遮視

河使者而說之曰河與運不如是治也昔平當以明禹貢爲河隄劉向以治尚書爲水尉一湖洪水梁天監之下流四閘分流斬總河之急淚幕本下才人無上計爲今之策移淮堰於上游塞洪河爲水櫃雲梯溝爲屯田倭銅鑄爲大幣收三十年佔佃以足河兵劃六百里淤河以爲井地不塞馬港之新河直徹開山之下勢富國則斥鹵盡變爲膏腴疆兵則人夫悉編爲戰隊特牛草馬散洿萊以孳生臥柳禿楊遍河隄而樹蓆上新例者十條陳蠹國者四弊歷行臺宰相尙書皆知爲一勞永逸之計而未能行也予惟一

子曰善才者從學淮南亦知讀盤庚三誓之書下鄭
監流民之涕告之曰太史公年二十南游江淮北涉
汝泗兒其時矣有廿一朝史傳於胸中無一萬里山
川於腳底如視黃河不知地理東坡曰惟有王城最
堪隱子再觀書于燕肆乎時也巫誣仲舒巫亡而仲
舒不亡僧咒傅奕僧死而傅奕不死作蘆菔之謠雪
蘧篠之恥而讒人尸於柴市於是張祿變名辛文改
姓少年謂予曰君以杜默之英雄而不成進士文其
不善戰乎予笑而領之曰參軍屋漏來諸侯壁上觀
自乙卯迄甲戌策試十科文成八卷爲陳湯作稿誰

識兒寬與潘勗爲辭眾知王粲疑盧郢者謂徐鉉之文讀黃樓者猜子瞻之翰佛骨之表馮宿挺刀常何之奏馬周握管沈約之詩或閒借於謝朓韓愈之集或託傳於李漢餘錦潤於耶遲唾殘噦於皇侃是以劉向作新序而王尊無名魏徵作隋書而王通無傳也孔子謂子路曰嫁則不嫁矣已嫁過半矣昔唐張鷟崔融陽嶠員半千陸元方皆入試入科皆入中予於文亦庶無憾乎後漢寇榮傳曰榮性矜潔於人少與以此見害于世流離奔竄子之謂耶初乾隆六年王以鋸榜發

太上皇帝以臺官奏劾

命御前進卷別選一榜曇名與焉而時東臯師闔

門待罪伯相公伏蒲請

恩榜乃如舊及嘉慶

六年見閣學禮侍戴座師東山使署謂

今皇帝

四年普 諭軍機若王曇來京會試朕欲親見其

人汝見吾家尙書乞其奏請而知貢舉副都陳公嗣
龍以爲不必對簿汝名登榜我當奏 聞此曇所

謂夢天難抵捧日難升 聖恩太厚臣罪太深也

乙丑大庾中堂戴文端主禮試入闈之日又預告十八分校今歲浙貢王曇若不呈薦我當拆名奏中而
予以旣隱吳門不復偕計梁公舉士急薦東之宰相

糊名獨求張說呂蒙正之囊中冊子並非私人施師
默之夾袋人名徒勞相國方知鄭虔運數已定於相
如李薦文章情不通於蘇軾也倭道人者居虎坊五
道神廟年二百餘歲矣蘇門再到見阮籍之眞人汲
郡重來遇嵇康之道士昔孫思邈識太白於酒家李
淳風知七星於西市目予而笑曰釋爾矜情夫爾驕
氣子奈何仙佛爲因緣必欲以功名爲遊戲予曰僕
來挑縣官令長才也不行區田民無食計不治黃河
民無燥地懷兩事之飢溺心廿年之經濟葛洪勾漏
志不在乎丹砂王喬鄴令意不矜乎飛屣師啞然笑

日一身仙骨誰似楊收十年宰相何如李泌子不鑑
墮落仙緣之夏竦乃甘作見笑麻姑之盧杞乎予悚
然懼曰是亦不可以已乎告子曰爾實善乎文章子
不期以科第清流不爲步兵而阮藉醉之名士不爲
主簿而孫寶祭之我爲子準告緒於司農丐一官爲
縣吏他日父老家貧兒不擇官而仕可也疇昔之日
歲在作噩潘岳閒居楊雄寂寞東發軾於榆關西停
驛於劍閣經秦晉之故墟悲漢唐而著作於河南之
定軍山止也李固曰周觀天下惟不見益州耳王右
軍亦曰願遊蜀都登岷嶺峩眉惜不遂其志爾時惟

甲戌至於大梁汴水滔天飢荒死傷滑臺兵火人民
流亡曹丕感癘疫而作典論摯虞憂餓死而別文章
舊年邦上人傳我死者得輓詩焉山松尙生道上已
殯歌滿日張湛未死齋前已墓木成行予今年四十
五歲矣倘或六十虔刀重徵別駕七旬布被竟舉賢
良則不望史晨之後碑重書孔廟亦或有趙雲之別
傳再刻堂皇嗚呼誓墓義之宦情遂絕告靈何偃不
仕何妨愛我者謂杜當陽之遊俠少違人望哀我者
知孫興公之穢行老不荒唐所著有詩文集如干卷
西夏書如干卷讀竺貫華如干卷鴻範五事官人書

如干卷厯代神史如干卷居今稽古之錄如干卷隨
園金石考如干卷繙得集如干卷魚龍繫傳奇遼蕭
皇后十香傳奇如干卷或寄之人家或付之塗炭或
未足殘編或尙存斷簡昔桓譚作新論未成班固足
之仲長統作昌言未竟董襲譏之他日我子著書循
我例而纂焉可也嗚呼摯仲治文書蕩盡杜鄴流離
庾子嵩家財萬千隨人取散太史公曰世言蘇秦異
異事皆附蘇秦班孟堅曰世言方朔奇奇事皆歸方
朔予少嗜禪宗長耽玄學不知我者或以爲學如孫
吳博如管郭吾恐謝胡兒不識何人漫作五堪之傳

也銘曰

讀書而有益於身者爲理義讀書而有益於人民者爲經濟學王夷甫者事廢學王介甫者人廢以子周視一萬里之疾苦四千年之利弊而不得宰一縣官之地爲賢良作循吏以吾爲羅隱方干吾亦視文字功名如敝屣有十八篇論議畱以爲後世生民之利古之自爲墓誌者唐則王績傅奕裴度杜牧顏蕡辛秘白樂天李栖筠嚴挺之柳子華衛大經李行之顏真卿也朱翌曰生前作誌謂之達亦可謂之近名也亦可蘇子瞻謂秦少游曰某在儕耳亦常

自爲墓誌大抵憂讒負譏死又誰爲之論列哉若陶宏景告逝文陶元亮顏魯公自爲祭文秦少游自作挽詞徒事解嘲無關憾否也吳范孝敬自爲長室姚秦梁國兒作壽塚攜妻妾入塚謙飲則又立意好奇又不逮趙岐司空圖之壽藏矣若曰寂居穴曰復眞堂曰永息庵者我無取乎爾也

往歲梅叟刻煙霞萬古樓駢體文於杭州顧道居士選刻其詩於繁昌間詩版已散佚因重寫刻之又從鏘水齋集及居士集中所附刻者鐵雲鴉藤山館詩話中采入者都爲一卷仲瞿出處詳於自製虎邱山

麥室誌亦錄出附之

咸豐元年二月上海徐渭仁記